

## SPORAZUM O SARADNJI

Zaključen između:

**1. UNIVERZITET U SARAJEVU, FAKULTETA POLITIČKIH NAUKA, Skenderija 72, kojeg zastupa dekan, prof. dr. Sead Turčalo**

**i**

**2. JU DOM ZDRAVLJA KS, Vrazova 11. kojeg zastupa generalni direktor doc.dr.sc. Abel Baltić**

### Član 1.

Ovim Sporazumom se utvrđuju obaveze Fakulteta političkih nauka (u daljem tekstu: Fakultet političkih nauka) i JU Dom zdravlja Kantona Sarajevo (u daljem tekstu: Dom zdravlja), koje se odnose na upućivanje i obavljanje prakse studenata Odsjeka za socijalni rad, kao i obaveze mentora i studenata za vrijeme obavljanja prakse.

### Član 2.

Međusobna saradnja između Fakulteta političkih nauka i DOMA ZDRAVLJA, zasnovana je na uzajamnoj saradnji, u cilju što uspješnijeg obavljanja prakse studenata.

### Član 3.

U skladu sa Odlukom Vijeća Odsjeka za socijalni rad, studenti druge i treće godine prvog (I) ciklusa studija dužni su da obave praksu u trajanju od deset (10) radnih dana, sa radnim vremenom od 7,5 sati.

### Član 4.

Za obavljanje prakse studenata generalni direktor Doma zdravlja, ili druga ovlaštena osoba određuje mentora, diplomiranog socijalnog radnika, odnosno socijalnog radnika sa bogatim radnim iskustvom.

Imena mentora prakse, koji će biti u stalnom kontaktu sa Fakultetom političkih nauka, će se usaglasiti između Fakulteta i Doma zdravlja.

### Član 5.

Sa ciljem praćenja obavljanja prakse studenata, Fakultet političkih nauka je u obavezi da odredi nastavnika/saradnika za stalni kontakt sa Domom zdravlja i mentorom prakse i planirane obilaskе studenata na praksi.

Nastavnik/saradnik, ovlašten od strane Fakulteta političkih nauka, dužan je da se prije početka prakse studenata upozna sa djelatnošću i zadacima Doma zdravlja, načinom organizacije rada, Pravilima o kućnom redu Doma zdravlja, zadacima i obavezama studenata za vrijeme obavljanja prakse u Doma zdravlja, te da o svemu upozna studente prije dolaska na praksu, odnosno da ih pripremi za obavljanje prakse.

Za vrijeme obavljanja prakse studenata Fakulteta političkih nauka u Domu zdravlja, nastavnik/saradnik Fakulteta, mentor prakse i stručno osoblje Domu zdravlja i Fakulteta političkih nauka dužni su da međusobno saraduju.

## Član 6.

Mentor prakse je dužan da bliže upozna studenta sa načinom organizacije rada Doma zdravlja, normativnim aktima i zadacima koje obavlja socijalni radnik u Domu zdravlja.

Mentor prakse je obavezan da studentu u skladu sa njegovim interesima obezbijedi kontakte sa drugim subjektima i uvid u dokumentaciju.

Mentor prakse je dužan da saraduje sa nastavnicima i saradnicima Fakulteta političkih nauka, da ih obavještava o radu sudenata na praksi i eventualnim problemima sa kojima se student ili mentor suočavaju.

## Član 7.

Obaveza studenata je da se za vrijeme obavljanja prakse pridržavaju odredaba Pravila o kućnom redu Dom zdravlja, da poštuju ličnost korisnika usluga i njihovu privatnost, da sa ličnim podacima koje saznaju i prikupe u toku obavljanja prakse postupaju u skladu sa Zakonom o zaštiti ličnih podataka, da čuvaju tajnost dokumenata i podataka koji predstavljaju službenu, poslovnu ili profesionalnu tajnu, te da u svemu postupaju u skladu sa zahtjevima i uputama mentora prakse.

Student je za vrijeme prakse dužan da se upozna sa osnovnim metodskim postupcima u socijalnom radu:

- vođenje prijemnog intervjua,
- socijalno dijagnosticiranje, evaluacija, prognoza,
- stručna obrada slučaja (socijalna anamneza),
- određivanje socijalne terapije i cjelokupni tretman klijenta,
- vođenje administracije i dr.

## Član 8.

U skladu sa Nastavnim planom i programom Fakulteta političkih nauka, student je dužan:

- provesti određen broj dana i sati na praksi (u skladu sa članom 3. ovog Sporazuma),
- sačiniti dnevnik o svom radu koji mora da bude potpisan i ovjeren od strane mentora,
- sačiniti dvije socijalne anamneze,
- postupiti u skladu sa zahtjevima mentora, te da zajedno sa mentorom na kraju prakse urade evaluaciju i daju prijedloge za unaprijeđenje prakse,
- u roku od 15 dana po završetku prakse sačiniti i izvještaj i dostaviti ga na ocjenu nastavniku/saradniku Fakulteta.

## Član 9.

Nakon potpisivanja Sporazuma, ukoliko to bude potrebno, zakazat će se sastanak na kojem će se sačiniti zajednički plan aktivnosti.

## Član 10.

Ovaj Sporazum o saradnji će biti otvoren za izmjene, uz uzajamnu saglasnost i na osnovu zahtjeva neposrednih nosilaca obaveza utvrđenih u Sporazumu.

Fakultet političkih nauka UNSA može raskinuti ovaj Sporazum u roku od osam (8) dana u sljedećim slučajevima:

- ako utvrdi da ne postoje objektivne pretpostavke za uspješno izvođenje terenske nastave,
- ako utvrdi da strana potpisnica - partner ne postupa sukladno ugovorenim odredbama.

#### Član 11.

Dom zdravlja može raskinuti ovaj Sporazum u roku od 8 dana u sljedećim slučajevima:

- ako student u zakazanim terminima i danima ne dolazi redovno na praksu,
- ako student ne poštuje pravila o kućnom redu Dom zdravlja, odnosno propise koji regulišu ovu oblast.

#### Član 12.

Sporazum stupa na snagu nakon obostranog potpisivanja, a primjenjivat će se u akademskoj 2021/2022. i 2022./2023. godini.

#### Član 13.

Ovaj Sporazum je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.



Broj: 01-03-3645/22

Sarajevo,



Broj: 01-3-456-1/2022

Sarajevo, 18.04.2022. godine